

朔方道志卷之二十

人物志五 節烈

節烈上

甯夏縣

劉氏元禮部尙書錫朶兒只妻甯夏人權臣鐵木兒害朶兒只死欲奪其妻氏剪髮毀容獲免

邢氏元達魯花赤喜同妻甯夏人賊陷南陽同突圍見殺氏聞率家僮出走遇賊奪刀砍之且罵且前亦見殺

殷氏明胡勛妻甯夏人年十六適勛勛病革語氏曰歿後無他適氏諾之歿之夕氏遂縊於柩前事聞旌表

時 氏明都指揮王俶妻甯夏人俶以戰死氏聞自縊人謂夫死敵妻
殉夫忠義爲兩全云

施 氏明都指揮何淋妻甯夏人年二十二夫亡撫遺孤欽至於成立
守節終身

黃 氏名京箴明都指揮黃欽妻甯夏人欽以事繫官懼罪自縊氏亦
縊死

王 氏明衛千戶孫泰妻甯夏人年十八夫亡遺腹未娩爲存祀計未
敢死撫育遺孤慈嚴兼用強族利其有諸端構害氏惟閉門事女紅日
夜號泣及子洪成立而雙目瞽矣

李 氏明千戶彭泰妻甯夏人年甫二十夫陣亡誓死不二撫孤旭成
立

黃氏明王銓妻甯夏右衛人夫死無嗣時氏年二十撫其女嫁之熒
干勤苦以終其身

雍氏明指揮曹澗妻甯夏人年二十六夫亡遺孤宗堯二歲氏上事
孀姑下撫幼子及宗堯承襲父職死於戰又撫遺孫仲歷官遊擊事聞
旌表

張氏明陶淥妻甯夏人年二十九夫亡遺孤賓尙在襁褓又無親族
夫姊利人之賄逼令嫁氏自縊鄰婦救之免自是蓬垢自毀守節三十
九年未嘗出戶外事聞旌表賓官千戶

李氏明指揮趙炳妻甯夏人萬歷二十年悖拜反官軍至子承先謀
獻西城顧母有難色母曰兒第往勿我慮妻李氏亦促之謂事不諧吾
等當先死事洩承先被縛姑媳皆自縊

方氏明慶憲王妃憲王薨氏年二十七唃劉構亂肆虐宗祊妃匿嗣王帥鏖於窖中遂殉節以死事聞奉旨建祠

米氏明千戶楊汝松妻甯夏人唃拜叛松子湛爲王師運糧並隨決水灌城唃憾甚令其黨拽氏城頭令汚以洩憤氏投城死

范氏明千戶楊案妻甯夏人因夫爲官軍運糧執氏至城頭欲汚以洩憤氏大罵唾賊而被箠死

梅氏明百戶陳縉妻甯夏人縉殺賊丁張保賊縛縉殺之氏痛夫死又懼爲賊汚自縊死

王氏明冠帶總旗白福妻甯夏人唃賊因子葵獻城於官軍縛葵殺之氏憤憾絕食死

林氏明冠帶官熊彥吉妻甯夏人彥吉從官軍討賊賊怒欲執氏以

配其黨氏自縊死

王 氏明餘丁王明理妻甯夏右衛人唃拜亂明理謀獻西城事洩賊擊之仆地復甦執氏氏不受污至中途見殺

楊 氏明廩生錢鏜妻甯夏人夫亡氏年二十七撫孤苦守四十餘年巡撫黃嘉善表其門

施 氏明把總王徹妻甯夏人徹密報唃拜逆謀爲拜所殺時氏年十八逃母家得免遺腹生子曰有光撫養成立蔭千戶壽九十餘卒

張 氏明萬元妻甯夏人年二十夫亡上奉翁姑下撫孤子守節六十年卒

王 氏明張守廉妻甯夏人年二十五夫亡撫孤子奎鍼紉餬口守節五十年卒子奎成名以孝著

趙氏明百戶楊映春妻甯夏人夫亡殮夕氏以簪刺喉家人救之甯時年二十一長子開泰三歲次子開運週歲家赤貧氏茹苦撫孤其嫂迎之歸勸改適氏怒以燈檠投之折其二齒去之經身不復入趙門守節四十九年卒開運官至石屏營參將

劉氏明都指揮李時妻甯夏人夫陣亡無嗣守節二十餘年人以爲夫爲忠臣婦爲節婦云

郭氏明都指揮汪鸞妻甯夏前衛人夫死時氏年二十五矢志不二守節三十七年卒教子有成

陳氏明千戶劉鎮妻甯夏人鎮禦敵戰沒氏年二十六父母欲奪其志氏抱其孤濟曰背夫不義棄兒不慈誓不再適撫濟成立守節終身魯烈女小字中元保甯夏人明天啓間受某家聘其家貧不能娶姑故

以穢言汚女女聞自經副使丁啓睿罪其姑與夫

朱武孟

氏明甯夏人朱氏爲參將楊名題之叔祖母嫁一年而夫卒撫遺腹

子武氏名題嫂亦早寡撫遺孤家道克昌孟氏名題妻年未三十名題卒亦能撫其三子先後成立

李氏明指揮張克簡妻甯夏人年二十八夫亡撫孤成立守節五十餘年卒

王氏明知縣李杼妻甯夏人年二十九夫亡撫其子子亡又撫其孫郁教養成立守節六十年卒

閻氏明慶藩宗屬允齋妻年二十夫亡撫子暨孫成立守節終身

夏氏明百戶魯敏妻甯夏人年二十七夫亡閱歷飢饉堅志不移孝敬翁姑教子成立苦節五十年卒

閻氏明宗室某妻年十八撫孤倬渥成立子亡又撫遺孫奇貧苦守節凜冰霜

孫氏明千戶石崑妻甯夏人少年守節訓子成立督撫表其門

王氏明慶藩教授馮用賢之子國瑞妻國瑞亡氏年二十四用賢亦老而貧氏日夜紡織以供甘旨撫孤爾暉成立守節四十六年卒

徐氏明副總兵解文英妻甯夏人年二十七夫殉難撫孤繩武成立守節三十餘年卒

睦氏明奉國將軍朱倪點妻倪點被掠赴襄陽屬氏他適氏嗚咽不能出聲殆倪點出遂自縊死

王氏名善清明總旗李某妻甯夏人翁病風累年遺穢臥榻氏侍側滌除夫死夫弟逼之嫁氏不從又脅之析居氏不得已携二子還母家

其母病熱思冰時八月不可得氏夜以二器貯水露庭中祈禱之晨取水果成冰母病遂愈

陳氏明生員胡連妻甯夏人連赴舉連父病篤氏率幼子晝夜侍奉調湯藥滌污穢連父彌留呼氏父語曰吾病甚苦累汝女願汝女有子孫如汝女也鄉黨皆頌孝婦

劉氏明副總兵裁三才妻甯夏人遭流賊之亂解赴襄陽氏憤縊旅舍中

張氏明王天渠妻寄籍甯夏原籍渭南李自成之亂夫歸因兵逃竄中途夫故氏年二十九携幼子就食甯夏縫紉度日守節五十三年卒

張氏明水利屯田陸繼業妻甯夏人從宦湖廣襄陽遭闖亂自縊

鄧氏明慶府安西郡王妃李自成亂僞將牛虎成入甯夏肆虐宗蕃

妃守志不辱自縊死慶世孫奇權妻王氏與鄧妃同日死

孫氏明操守高遶妻城破賊脅之憤罵不屈賊怒以刀刺之身被七創死賊去復甦

王氏清全夢陽妻甯夏人年二十二夫亡翁姑俱老養生送死氏身任之教子成立守節終身

陳氏清李茂功繼妻甯夏人年二十八夫亡撫前室子如己出諸孫珣等皆氏教養成立周親撫孤施藥濟衆守節終身

劉氏清千總姚毓俊妻甯夏人年二十六夫亡誓不再適撫兩歲孤兒教訓成立守節四十餘年卒康熙三十七年旌表

陳氏清生員俞臯謨妻甯夏人年二十二夫亡守節四十餘年事姑育子孝慈兩全康熙四十四年旌表

蔣氏清參將羅萬倉妾甯夏人臺灣朱一貴之亂萬倉戰沒氏自經於署雍正二年具題奉旨給銀六十兩并賜夫忠婦節四字以旌之鄭貞女清都司鄭金之女甯夏人許字監生張鵬羽爲繼室鵬羽前妻生一子女未嫁而鵬羽卒時女年十八聞訃欲往父母不允女涕泣不食不得已聽之至則哀痛盡禮從人促之歸女曰我張氏婦也將焉歸先是女夢羽以一紗與之至是問前子名曰紗哥女曰是即張生冥中託我也撫子如己出守節四十餘年卒雍正七年旌表

馮氏清千總劉盡孝妻甯夏人盡孝出征獲金陣亡遺子三歲氏年二十二守節終身雍正七年旌表

楊氏清王之茂妻甯夏人年二十八夫亡上事翁姑下撫子女守節終身雍正八年旌表

楊氏清董立寔繼室甯夏人年二十二夫亡撫前妻子含璞如己出含璞亦早亡撫孫用威成立守節終身

石氏清生員王人龍妻甯夏人年二十六夫亡遺孤蔭撫養成立守節四十四年卒

沈氏清韓永祿妻甯夏人年十八夫亡無子女孝事翁姑守節五十餘年卒

朱氏清指揮黃三鳳妻甯夏人年十九夫亡撫雛孤至於成立後子媳俱亡有孫女四人又撫養至嫁而後終守節五十年卒

郭氏清張木工妻甯夏人年二十八夫亡誓死不嫁孝事翁姑撫子成立守節三十五年女適遊擊馮繡繡遣人迎氏就養氏以舅年九十不允其節孝可風世云

劉氏清陳化先妻甯夏人年二十餘夫亡撫子念孝娶婦劉氏念孝復亡姑婦同守節教孫顯祖成立

武氏清生員李桂妻甯夏人年二十八夫亡家貧鍼工度日守節至七十五歲子孫成立無疾而終

管氏清黃文璧妻甯夏人年二十八夫亡遺孤三歲氏甘貧撫子守節終身其姪早失父母氏並撫之皆成立

姜氏清樊韞秀妻甯夏人年二十五夫亡撫孤邦彥守節四十餘年後邦彥亦亡妻高氏年十九矢志守節撫子亦終

劉氏清呂之蔭妻甯夏人之蔭官獲鹿縣城被圍氏與妾張氏捐衣裝募士犒軍及城破夫亡恐被辱二氏偕二稚子及僕婢均赴火死入祀獲鹿縣祠

張氏清張某妻甯夏人貧家女年十七歸張事姑至孝夫傭工於外姑喪明有驛夫窺氏色美乘氏汲井強逼之氏大呼乃免歸告其姑姑慰解之氏含憤自縊鄰人力救不死復絕粒七日以歿甯夏府趙某按治驛夫爲氏詳請旌表入祠

劉氏清監生陳世凱妻甯夏人年十九夫亡守節終身

王氏清金某妻甯夏人夫亡守節終身

劉氏清姚某妻甯夏人夫亡守節終身

楊氏清王某妻甯夏人夫亡守節終身

王氏清張某妻甯夏人夫亡撫孤萬年入庠守節終身

徐氏清劉起佩妻甯夏人年二十七夫亡守節三十六年卒

陳氏清處士王元妻甯夏人年二十七夫亡撫子盡善成立嗣監善

亡媳賂氏年二十四姑媳孀居紡紉自給後子孫孝友六世同居孫宋雲舉於鄉人皆謂爲節孝之報

湛氏清劉道宏妻甯夏人年二十八夫亡守節終身

陳氏清姚國佐妻甯夏人年二十五夫亡守節終身

陳氏清武生王定邦妻甯夏人年二十九夫亡守節終身

朱氏清監生王定國妻甯夏人夫亡守節終身

江氏清樊天裕妻甯夏人夫亡守節終身

陸氏清哈銘妻甯夏人夫亡守節終身

周氏王錦妻吳氏王珣妻蘇氏王諮妻孫氏王欽妻甯夏人一門四節冰操共矢

建坊曰勁節嗣徽

王氏清李棟妻呂氏棟子運洪妻甯夏人兩世俱以貞節著後運洪

子貴皆封贈恭人

安氏清粟爾現妻甯夏人年十七夫亡無子事姑盡孝撫夫姪爲嗣
守節三十二年卒

郭氏清監生高登第妻甯夏人年二十七夫亡奉親撫孤守節終身
方氏清周治新妻甯夏人年十六夫亡撫孤成立守節終身

解氏清錢定國妻甯夏人年二十四夫亡奉姑以孝撫孤成立守節
終身

羅氏清高起蛟妻甯夏人年二十二夫亡孝事翁姑撫孤成立守節
終身

張氏清高元妻甯夏人年二十六夫亡撫孤成立守節四十八年卒
郭氏清陳倫妻甯夏人年十六夫亡無子撫夫族子爲嗣孝事翁姑